



大唐六典

4保
3042
27



明 4
洋 9.042
七 27

大正六年...

御前

...

...

太子...

...

...

...



大唐六典家令率更僕寺卷第二十七

御撰

集賢院學士兵部尚書兼中書令修國史

上柱國開國公臣李林甫等奉 敕注上

太子家令寺

家令一人

丞二人

主簿一人

錄事一人

府十人

史二十人

亭長四人

掌固六人

食官署

令一人

丞二人

府二人

史四人

掌膳十二人

供膳四百人

奉鱗三十人

掌固四人

典倉署

令一人

丞二人

府三人

史五人

掌固四人

園丞二人

史二人

典事六人

司藏署

令一人

丞一人

一作二

府三人

史五人

典事四人

掌固四人

太子率更寺

令一人

丞一人

主簿一人

錄事一人

府三人

史四人

伶官師二人

漏刻博士二人

掌漏六人

漏童六十人

典鼓二十四人

唐志作典鐘典鼓各十二人

亭長四人

掌固四人

太子僕寺

僕一人

丞一人

主簿一人

錄事一人

府三人

史五人

亭長四人

掌固四人

廐牧署

令一人

丞二人

府三人

史五人

典乘四人

典事六人

牧長四人

翼馭十五人

駕士三十人

獸醫二十人

掌固四人

太子家令寺家令一人從四品上

秦漢詹事屬官有太子家令丞張晏云太子

稱家故曰家令又闕批漢書當填以茂字陵中書太子

家令秩八百石後漢太子少傅屬官有太子

家令秩一千石主倉穀飲食又領食官令丞

後漢志無丞字魏因之晉家令品第五銅印墨綬進

賢兩梁冠絳朝服比司農少府晉太康八年

詔曰太子家令率更令僕東宮之達官也宜

進品第三與中庶子二率同宋太子家令主

內茵薦林几諸供太平御覽中之物又知官

奴婢月用錢內庫米鹽車牛刑獄齊因之自

宋齊已來清流者不為之梁天監六年武帝

以三卿陵替乃詔革其隋志其家令視通直

宮視隋志作率更僕視黃門陳因之後魏太

子三卿秩三品上批後魏志太和二十二年

降為從四品上北齊詹事領家令按隋志令下當有寺

字有丞功曹主簿領隋志領上有家令食官典倉司

藏等三署令丞又領內坊令丞隋家令寺掌

別法按隋志別當作刑食膳倉庫隋志庫下有什物奴婢四字等

事領食官典倉司藏三署令丞煬帝改為司

府令皇朝復為家令龍朔二年改為官府寺

大夫咸亨元年復舊

丞二人從七品上

漢家令有丞後漢魏無聞宋書云家令丞一

人晉代置宋齊因之梁陳家令丞一人位不

登十八班者別為七班家令丞七班後魏太

和二十二年太子三卿丞從六品下按後魏志太子

三卿丞第九品下此因三卿丞誤下倣之北齊家令丞一人隨隋當作

家令丞二人皇朝因之龍朔二年改為官府

丞咸亨元年復舊

主簿一人正九品下

晉家令置主簿宋齊因之齊職儀家令主簿一人四品勳位掌摠署諸曹事梁陳後魏無聞北齊家令有主簿負隨隨當作隋家令主簿一人皇朝因之

家令之職掌皇太子之飲膳倉儲庫藏之政令總食官典藏藏當作倉司藏三署之官屬凡皇太子備禮出入則乘輅車具威儀先諸臣以導引若祭祀賓客則供酒食以為獻主若進獻賜與則

奉大金批唐志奉金當連書玉貨幣而以法式贊之凡宮

坊府署解宇及牀几茵蓐唐志無蓐字席器物不供

唐志不供作非取於將作少府者皆供之

丞掌判寺事凡食官典倉司藏之出納籍其名數以時刺于詹事凡莊宅田園必審其頃畝分其疆界實于籍書若租稅隨其良瘠而為收斂之數以時入之禁其逋違者若官朝坊府有土木營繕則下於司藏命典事以受之

主簿掌印及句檢稽失凡寺署之出入財物役使工徒則刺詹事上于尚書有所隱漏言於司直事若重者舉咨家令以啓聞

食官署令一人從八品下

詹事 詹上脫 漢字 屬官有食官令長丞後 後下脫 漢字

太子少傅屬官有太子食官令一人秩六百

石主飲食晉 **闕** 闕字 以太子二字 食官令職如

太官令宋中庶子屬官有食官令齊詹事官

闕 從上例恐 當作屬官 有太子食官令齊職儀食官令

一人三品勳位掌厨膳 **闕** 闕 擬通典當 填以之字 事梁庶

子有食官局陳因之後魏太子食官令五品

上北齊食官令丞又別領器局酒局二丞隋

家令事 擬隋志及通 典事當作寺 統食官令丞皇朝因之

丞二人從九品下

兩漢食官皆有丞魏晉宋無聞齊建元中置

食官丞四人梁選部 擬隋志部 當作簿 有東宮食官

丞為三品勳 位 魏魏上

字北齊太子食官丞一人隋食官丞二人皇

朝因之

食官令掌飲膳之事丞為之貳凡為酒醴必辨其麴蘖黍稌秬稻之宜陶器水火之用以成乎沉浮清濁之良凡為膳羞必辨其牲牢禽獸之名物割烹煎和之制度以協乎五味五香之正然後可以供其享獻焉凡四時之令節供進及

設食得專營造不用啓聞其六品已有 魏唐志有當作

下官於家令厨食者元正冬至寒食亦供焉左

右廂牙前坐日職事官三品以上供十盤官臣

六參日二十五盤其食有餘賜左右春坊供奉

官詹事司直若非坐日供三盤丞判署事

典倉署令一人從八品下

後漢太子少傅屬官有太子倉令一人秩六

百石主倉穀魏晉已下無聞後魏有太子倉

令第五品中北齊家令寺領典倉署令丞典倉署又別領園丞隋家令寺統典倉令

隋志令

下脫丞字 皇朝因之

丞二人從九品下

隋典倉丞二人皇朝因之

典倉署令掌九穀入藏之數及醢醢庶羞器皿燈燭之事舉其名數而司其出納丞為之貳凡諸園圃樹藝者皆受令為每月籍其出納之數

以上于寺歲終則申詹事府凡戶奴婢及番戶雜戶皆給其資糧及春冬衣服等數如司農給付之法若本司用不足者則官給丞判署事司藏署令一人從八品下

晉家令有主物吏四人梁庶子屬官有錫賜

庫隋志無賜字局丞又有東宮衛庫丞為三品勳

位北齊家令寺領司藏署令丞司藏又別領

仗軍與作樞隋志當作仗庫典作二局丞隋家令寺統司

藏署令丞皇朝因之

丞二人從九品下

隋有司藏丞二人皇朝因之

司藏令掌庫藏財貨出納營繕之法式

舊唐志作之事

凡諸司應納財物者皆受而藏之應出給者則監而付之其財物之出於庫藏無衆寡皆具其給賜之名數每月上寺歲終則以貨幣出入之數會之丞判署事

太子率更寺令一人從四品上

漢詹事府屬官有太子率更令丞後漢太子少傅屬官有太子率更令秩千石主庶子舍人更直職似光祿勳魏因之晉詹事屬官有太子率更令一人銅印墨綬進賢兩梁冠絳朝服掌宮殿門戶之禁郎將屯衛之士局擬光祿勳衛尉太康八年進品第五宋齊因之梁率更令視黃門陳因之後魏太和二十二

年為從四品上北齊詹事率更令有丞功曹
主簿領中盾署令丞各一人掌周衛禁防漏
刻鐘鼓隋率更寺令一人皇朝因之龍朔二
年改為司更大夫咸亨元年復舊

丞一人從七品上

後漢率更丞一人秩四百石魏晉宋齊梁陳
皆一人後魏太子三卿丞從六品下北齊隋
皆一人皇朝因之

主簿一人正九品下

晉率更令置主簿一人宋代無聞齊職儀太
子率更令主簿四品勳位梁陳後魏無聞北
齊隋太子率更寺主簿一人皇朝因之

率更令之職掌宗族次序禮樂刑罰及漏刻之
政令凡皇太子釋奠於先聖先師講學齒曾皆
總其儀注而為之導引若皇太子備禮出入則
乘輅車位亞家令焉凡張樂軒縣之制鼓鑄鐘

之虞三編鐘之虞三編磬之虞三凡九虞每位
 各建鼓凡三人祝敔祝當二人鐘磬虞各一人
 每編鐘下笙竽笛篪塤各一人每編磬下歌二
 人琴瑟箏筑各一人文武二舞各六佾其篋虞
 皆金三博山飾以崇牙流蘇樹羽其樂器應漆
 者皆朱漆之鏡鼓節鼓朱漆畫加五綵重蓋大
 鼓小鼓及餘鼓吹並朱漆羽葆鼓飾以羽保保當
 葆作長鳴中鳴大小橫吹五綵幡綵下脫緋掌畫

豹五綵脚大角幡亦如之其大鼓長鳴大橫吹
 節鼓及橫吹後笛簫篳篥筚等工人皆服緋地
 首文袍袴及帽金鈿桐鼓桐當皆加六角紫織
 小鼓中鳴等等字小橫吹及鏡及鏡二字及橫
 吹後笛簫篳篥筚等工人皆服青地首文袍袴
 及帽鏡及簫笳工人服並武弁朱繡衣革帶大
 角工人平巾幘緋衫白布大口袴凡鐘鼓新成
 並以羊豕各一爨之若皇太子親戎則以假豚

以鑿鼓教樂淫聲凶聲慢聲皆禁之凡漏刻令
博士以教之掌漏以典之漏童司刻分時以唱
之晝夜之刻百冬至則晝四十夜六十夏至則
晝六十夜四十春秋分則晝夜五十凡諸坊寺
府之有犯者令其主司定罪庶人杖已下決之
官吏杖已下皆送於大理若皇太子未立及
恐當填以未即東宮其官坊官當寺府之犯
立而二字罪者皆斷於大理

丞掌判禮樂刑獄之事凡官自有犯理于率更
者皆親問之乃斷其罪而上於詹事
主簿掌印及勾檢稽失凡宗族不序禮儀不節
音律不諧漏刻不審刑名不法皆舉而正之若
所司決囚與其丞同監之

太子僕寺僕一人從四品

批旧新唐志
品下脫上字

漢詹事属官有太子僕長丞後漢太子少傅
属官有太子僕一人秩千石主車馬職如太

僕太子五日一朝非入朝日遣僕及中允朝
朝入請問起居魏因之晉詹事屬官有太子
僕銅印墨綬進賢兩梁冠絳朝服主與馬親
族與當作輿晉志作車馬親秩宋志作親族局擬太僕宗正太康
八年進品第五宋齊品秩冠服同家令寺從
駕乘安車次家令梁太子僕視黃門陳因之
後魏品同家令北齊詹事領太子僕僕寺置
丞功曹主簿領廐牧署隋志署下有令字丞又別有

車輿局丞隋僕寺僕一人掌宗族親踈車輿
騎乘領廐牧署令丞皇朝因之龍朔二年改
為馭僕大夫咸亨元年復舊

丞一人從七品上

梁太子僕有丞陳因之後魏太子僕僕行三卿丞
從六品下北齊隋太子僕丞一人皇朝因之
主簿一人正九品下

晉太子僕置主簿宋無聞齊職儀太子僕主

簿四品勳位梁陳後魏無聞北齊隋有太子
僕主簿一人皇朝因之

太子僕之職掌車輿騎乘舊新唐志作乘騎儀仗之政

令及喪葬之禮物辨其次叙與其出入而供給

之皇太子之車輅三一日金輅二曰輅車三曰

四望車金輅赤質金飾諸末重較箱畫首文烏

獸鳥當作鳥黃屋伏鹿批隋志鹿下脫軾字龍輶金鳳一在軾

前設障塵朱蓋黃裏畫輪朱牙隋志及舊唐志畫輪作輪畫

左建旂九旒右載闐戟旂首金龍頭銜結綬及

綵綬給當作鈴駕赤駟四八鑾在衡二鈴在軾金鈿

方鈿翟尾五焦隋志焦作隼鏤錫鞶纓九旒批隋志及旧新

唐志旒當作就從祀享正冬大朝納妃則供之輅車金

飾諸末紫油通轆紫油纁朱裏駕一馬五日常

朝及朝饗官臣出入行道則供之四望車金飾

諸末紫油通轆紫油纁朱裏朱絲絡網駕一馬

弔臨則供之凡皇太子備禮而出則率廐牧令

進輅僕親馭焉

丞掌判寺事凡車輿儀仗有虧闕則移於主司以修補之凡馬及雜畜之料應供於外司者每歲季夏上千詹事芻粟貯掌於廐所者以時出入之而節其數

主簿掌印及勾檢稽失凡廐牧之畜養車騎之駕馭儀仗之付受喪葬之供給各有其程違則糾正之

廐牧署令一人從八品下

漢詹事屬官有太子廐長丞後漢太子少傅

屬官有太子廐長一人秩四百石主車馬魏

晉因之齊職儀云東宮屬官有內廐局外廐

局梁陳因之後魏有太子廐長從九品下後魏

志從九品上隋太子僕寺統廐牧署令丞皇朝因

之

丞二人從九品下

漢有太子廐丞自後闕文齊置太子內廐外廐丞各一人梁陳因之北齊有太子廐牧署丞車輿局丞隋太子僕寺統廐牧丞二人皇朝因之

廐牧署令丞掌車馬閑廐牧畜之事凡皇太子將備禮而出則率典乘先期調習輅馬率駕士駕馭車乘及出則進輅或輅車於南閣外西向以候唐志或輅作式路南閣作西閣西向作南向候作俟皇太子之升禮

畢皇太子降輅則自西閣一本閣作閣之外以輅及輅歸於署其隴右群牧隸於東宮者皆受其政令焉

大唐六典家令率更僕寺卷第二十七

[Faint bleed-through text from the reverse side of the page]

補考

鼓鑄鐘之虞三

通典作鑄鐘之虞三鼓字恐衍

大序六典
卷之二十一
[The main body of the page contains a large rectangular frame that is mostly empty, with some faint, illegible text visible in the upper left corner.]



